

Teänjoogg luössnääl räâšš – luöss-šeellmõšše e'tkķeet odd rajjtõõzzid, jee' res kuõ'li šeellmõšše kie'ppummšid

Lää'dd da Taarr kõskksaž sagstõõllmõõžžin Teänjoogg puõ'tti kue'llsee'llempeâ'j 2022
kue'llsee'llemrajjtõõzzin leä't vuäžžam hämmaz puõ'tti kie'zz kue'llsee'llem-meärrõssân, ko'st raaukât ciäklmid. Teän luössnaa'li vue'kķ lij õinn räâšš da vue'lğğemsââ'j luöss-šeellmõšše kuästtje lee'd joba siõmna hue'nab ko ee'jj mäâiârre le'jje.

Occnjaž luöss-šeellmõš haa'leet kuuitâg soovšed, gõõi Teän luöss-šeellmõšše kulttuur vuäitčeš pue'rben tuõ'll'jed vai'ğges vue'jjest. Ministeria lie ärvvtõõllâm, što sosiaal'laž da kulttuurlaž mäâinai diõtt luõzz tiuddkiõlddi jeä't vuõittu juä'tkķed. Luöss-šeellmõšše e'tkķeet sâävšemnalla tâ'lķ samai rajjtemnalla ä'rbvuõttšee'llemneävvaivui'm. Soovšum šee'llempeeiv lie kue'llsee'llempeâ'j loopp-peä'lnn, ko kâ'dden lie jäänmõsân õõt miârree'jj uu'cces luõzz. Jee' res kue'llšlaaji šee'llemvuäittmõõžžid e'tkķeet seämma ääi'j lââ'zztemnalla.

Teän luössnaa'li seu'rrjummuž vuâdald tõi vue'jj lij ärvvtõõllum nu'tt räâššen, što miârâst joogg ärra macci luössmeä'r ij tieu'd keäl'jeei kue'llšeellmõšše vue'lğğemsõõ'jid ni ouddâl ko ni õõt luõzz leä't õsttâm šee'lled. Tâ'vv-Atlaant äârrmõõžžin šõddâm muttsi diõtt luössnaa'li jäll'jummuš ij leäkku ouddnam tõnnalla ko lij vuõrddum änn'jõž kue'llsee'llem-meärrõõzzivui'm. Viõusâs rajjtõõzzid taarbšet, ko kue'llšeellmõšše soovšummuš änn'jõž kue'llsee'llem-meärrõõzzi meâldlânji uu'cce'ci luössnaa'lid leeigas jîännai da piijçi tõi jäll'jummuž vaar vuâlla. Ee'jj 2021 Teän luöss-šeellmõšše tiuddkiõlddjest lie leämmaž jõnn negatiivlaž vaaiktõõžž pääiklaž õutstõ'sse di luössä'rbteâd tuõ'll'jummuša.

Ooudpeä'lnn peäggum mäâinai diõtt kue'llsee'llempeâ'j 2022 luöss-šeellmõšše e'tkķeet soovšemnalla Teänjooggâst õnnum ä'rbvuõttšee'llemneävvaivui'm, zäbbrin nelljen pei'vven da luöss-saai'min kue'htten pei'vven. Šee'llempeeiv lie va'lljuum nu'tt, što kâ'dden vuäžžat ouddâl õõt ee'jj miârâst äârram luõzzid da nää'l jäll'jummuž peä'lest ärvvsab šuurab luõzzid vuei'tet šeä'stted. Luõzz vuõggin šeellmõšše jeä't e'tkķkuku soovšemnalla ni voo'ps.

Luöss-šeellmõšše vaaiktõõzzid põõrgât kie'ppeed lââ'zztee'l vuäittmõõžžid jee' res kue'l ko luõzz šeellmõšše. Maatkcee'jid lij ta'rjjeemnalla lââ'pp, koin vuäžž kue'llsee'lled jäänmõsân klaass 6 õõt kiõd po33vuõggin.

Päi'kķ-kââ'ddest jâlstei kue'llšii'li vuäitče šee'lled vuõggin reeddast da võnnsest nu'tt što jm. vuõgg kuä'kķmeä'r lij rajjtum. Lââ'ssen Teänast vuäitçi šee'lled miârkuu'ž. Teän jäänmõsân miârkteei kuõškkpai'kid, Pâ'jj- da Vue'llkeâuŋsa, puätt puk vuõggin kue'llšeellmõšše kuõskki rääuhtemvu'vdd luõzz čärrkââ'dd kie'ppummša. Luõzzi šeä'sttummuž lij vääžnai änn'jõž vue'jjest da mädd- da meä'cctäällministeria haa'lad muštt'ed kue'llšii'li jii'jjes va'sttõõžžâst veä'ltted luõzzi čärrkââ'dd.

Sagstõõllâmpuäđõõžž meâldlaž muttõõžž lie ceä'lķķemnalla 28.3.2022 räjja. Muttsid kuõskki pârddķee'rj lij jurddum vuâllaķee'rjted pâ'zzlâšttam-mannu looppâst, što ääi'jtääss'saž kue'llsee'llem-meärrõõzzid Tiännu vuäžžat viõ'kķe njuhččmannu aalgâst. Teän čärrjooggi kue'llsee'llemrajjtõõzzid kuõskki asetõs še puätt mu'ttem vuâlla seämmanalla.

Lââ'ssteâđ

Vesa Ruusila, luâttskâättrdemtäällduumšek, te'l.0295162051, vesa.ruusila(at)gov.fi
Tapio Hakaste, sagstõõlli ve'lğğõoumaž, te'l. 0295162152, tapio.hakaste(at)gov.fi